



**Broj: A-III-33/17-VII**  
**Sarajevo, 23.05.2017. godine**

Na osnovu člana 30. Zakona o Kantonalnom tužilaštvu Kantona Sarajevo (Sl. novine Kantona Sarajevo, broj 20/02, 22/02 i 30/08), člana 64. stav 1.tačka a), člana 25. i člana 70. Zakona o javnim nabavkama („Službeni glasnik BiH”, broj 39/14) – u daljem tekstu: ZJN, te preporuke Komisije za provođenje postupka javne nabavke roba „**Nabavka TCMS omota spisa predmeta s pripadajućom TCMS naljepnicom s brojem predmeta za potrebe Kantonalnog tužilaštva Kantona Sarajevo**“, date u Zapisniku broj: A-III-33/17–VI od 22.05.2017. godine, Glavna kantonalna tužiteljica donosi:

## O D L U K U

**o izboru najpovoljnijeg ponuđača i dodjeli ugovora za nabavku TCMS omota spisa predmeta s pripadajućom TCMS naljepnicom s brojem predmeta za potrebe Kantonalnog tužilaštva Kantona Sarajevo**

### I

Prihvata se preporuka Komisije za javne nabavke i Ugovor o javnoj nabavci TCMS omota spisa predmeta s pripadajućom TCMS naljepnicom s brojem predmeta za potrebe Kantonalnog tužilaštva Kantona Sarajevo dodjeljuje se najpovoljnijem ponuđaču **“SVJETLOST BH PRINT” d.o.o. Sarajevo; ul. Ismeta Alajbegovića Šerbe 3., Sarajevo**, a prema ponudi broj: 24-04/17 od 24.04.2017. godine, s ukupnom cijenom **18.282,00 KM bez PDV-a, odnosno 21.389,94 KM sa PDV-om**, kao najbolje ocijenjena ponuda.

### II

Ugovor o javnoj nabavci dostavit će se na potpis izabranom ponuđaču **“SVJETLOST BH PRINT” d.o.o. Sarajevo** po proteku roka od 15 dana, računajući od dana kada su svi ponuđači obavješteni o izboru najpovoljnije ponude.

### III

Ova Odluka će se objaviti na internet stranici Kantonalnog tužilaštva Kantona Sarajevo, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. ZJN.

### IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav 2. ZJN.

## Obrazloženje

Na osnovu Odluke o pokretanju postupka javne nabavke broj: A-III-33/17 od 06.02.2017. godine pokrenut je postupak javne nabavke „Nabavka TCMS omota spisa predmeta s pripadajućom TCMS naljepnicom s brojem predmeta za potrebe Kantonalnog tužilaštva Kantona Sarajevo“, procijenjene vrijednosti 25.000,00 KM bez PDV-a, putem Otvorenog postupka javne nabavke roba.

Obavještenje o nabavci broj: 274-1-1-42-3-4/17 od 10.04.2017. godine, objavljeno je na Portalu javnih nabavki, zajedno sa cjelokupnim tekstom Tenderske dokumentacije, a sažetak obavještenja o nabavci objavljen je u Službenom glasniku BiH broj: 27/2017 od 14.04.2017. godine.

Kriterij za dodjelu Ugovora, shodno odredbama člana 64. Zakona o javnim nabavkama, je „najniža cijena tehnički zadovoljavajuće ponude“.

Komisija za provođenje tenderskih procedura Kantonalnog tužilaštva Kantona Sarajevo, formirana Rješenjem broj: A-331/17 (u daljem tekstu Komisija) je dana 26.04.2017. godine u 16,00 sati, u prostorijama Ugovornog organa izvršila javno otvaranje ponuda i sačinila Zapisnik o otvaranju ponuda, u kojem je konstatovala da su u predmetnom postupku blagovremeno zaprimljene 3 (tri) ponude. Zapisnik je dostavljen svim ponuđačima koji su učestvovali u postupku u zakonskom roku.

Nakon otvaranja ponuda, Komisija je izvršila pregled i ocjenu prispijelih ponuda, te sačinila Zapisnik o pregledu i ocjeni ponuda broj: A-III-33/17-VI od 22.05.2017. godine, koji je sastavni dio ove Odluke, i u kome je konstatovala sljedeće:

U ostavljenom roku blagovremeno su pristigle tri (3) ponude i to ponuđača: „PLAN PLUS“ d.o.o. Zenica, „GRAFIČAR“ d.o.o. Bihać i „SVJETLOST BH PRINT“ d.o.o. Sarajevo.

Komisija je konstatovala da je ponuda ponuđača: „SVJETLOST BH PRINT“ d.o.o. Sarajevo u potpunosti prihvatljiva prema obliku, sadržaju, potpunosti i sposobnosti obavljanja tehničke i profesionalne sposobnosti, dok ponude ponuđača: „PLAN PLUS“ d.o.o. Zenica i „GRAFIČAR“ d.o.o. Bihać, nisu prihvatljive iz sljedećih razloga:

Ponuda ponuđača „PLAN PLUS“ d.o.o. Zenica, nije zadovoljila formalno-pravne uslove i uslove tehničke i profesionalne sposobnosti zahtijevane u tački 8.4. i tehničkoj specifikaciji datoj u ANEKSU 2. tenderske dokumentacije i tačke 9.2.1 – sadržaj ponude – TD.

Uvidom u dostavljenu ponudu navedenog ponuđača, utvrđeno je da nije dostavljen Aneks 2.- Obrazac za dostavljanje ponude, dat u Tenderskoj dokumentaciji, kao i da Obrazac za cijenu – Aneks 4. nije popunjen na zahtijevani način – kolona zemlje porijekla nije popunjena.

U pogledu tehničke i profesionalne sposobnosti propisane u tački 8.4. TD i Tehničkoj specifikaciji – Aneks 3. TD, vještak grafičke struke – Franjo Soldo u svom „Stručnom nalazu“ broj 10/17 od 10.05.2017. godine (koji je izvršio na osnovu Odluke o vještačenju broj A-III-33/17-IV od 28.04.2017. godine) je utvrdio da uzorci TCMS omota i pripadajućih TCMS naljepnica sa brojem ponuđača „PLAN PLUS“ d.o.o. Zenica, ne odgovaraju propisanim karakteristikama u pogledu sljedećeg:

- Uzorak TCMS naljepnica sa brojevima nisu urađene u odgovarajućim brojevima i propisanom obliku, i kao takve se ne mogu uzeti u razmatranje (strana 3. tačka 5. „STRUČNOG NALAZA VJEŠTAKA“).
- Dubina bigovanja na dostavljenom uzorku TCMS omota nije dobra, odnosno veća je od propisane (strana 3. tačka 6. „STRUČNOG NALAZA VJEŠTAKA“).

Ponuda ponuđača „GRAFIČAR“ d.o.o. Bihać, nije zadovoljila uslove tehničke i profesionalne sposobnosti, zahtijevane u tački 8.4. i tehničkoj specifikaciji datoj u ANEKSU 2. tenderske dokumentacije.

U pogledu tehničke i profesionalne sposobnosti propisane u tački 8.4. TD i Tehničkoj specifikaciji – Aneks 3. TD, vještak grafičke struke – Franjo Soldo u svom “ Stručnom nalazu“ broj 10/17 od 10.05.2017. godine (koji je izvršio na osnovu Odluke o vještačenju broj A-III-33/17–IV od 28.04.2017. godine) je utvrdio da uzorak TCMS omota ponuđača „GRAFIČAR“ d.o.o. Bihać ne ispunjava osnovne propisane zahtjeve, te se kao takav, po njegovom mišljenju ne treba uzeti u razmatranje. Osnovni eliminatorni uslovi su:

- Uzorak TCMS omota ne zadovoljavaju propisanu gramaturu omota spisa od 350 g/ m<sup>2</sup>, odnosno ponuđeni omot spisa ima nižu gramaturu, tj. 300 g/m<sup>2</sup> (strana 4. tačka 1. „STRUČNOG NALAZA VJEŠTAKA”).
- Takođe, ton boje omota po propisu treba biti Roza „Pantone” 671C, a ponuđeni uzorak veoma odstupa od navedene skale i broja (strana 4. tačka 2. „STRUČNOG NALAZA VJEŠTAKA”).

Polazeći od prethodno navedenih konstatacija i činjenica da je prema „MIŠLJENJU“ stalnog sudskog vještaka grafičke struke jedna (1) blagovremeno pristigla ponuda prihvatljiva za Ugovorni organ, odnosno da ponuđač „SVJETLOST–BH PRINT“ d.o.o. Sarajevo ispunjava sve propisane uslove iz tenderske dokumentacije, Komisija je pravilno i potpuno izvršila ocjenu kvalifikovanosti ponuđača, u skladu s kriterijima iz Tenderske dokumentacije.

Na osnovu ukupne ocjene ponuda, prema kriteriju „najniža cijena“ tehnički prihvatljive ponude, Komisija za nabavku je dala preporuku Glavnoj kantonalnoj tužiteljici Kantonalnog tužilaštva Kantona Sarajevo, da u otvorenom postupku za javnu nabavku – „**Nabavka TCMS omota spisa predmeta s pripadajućom TCMS naljepnicom s brojem predmeta za potrebe Kantonalnog tužilaštva Kantona Sarajevo**“, dodijeli Ugovor najpovoljnijem ponuđaču „**SVJETLOST –BH PRINT“ d.o.o. Sarajevo; ul. Ismeta Alajbegovića Šerbe 3. – Sarajevo**, s ponuđenom cijenom **18.282,00 KM bez PDV-a , odnosno 21.389,94 KM s PDV-om.**

Cijeneći naprijed navedeno, primjenom člana 64. stav 1. tačka b) najniža cijena ZJN, odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke dopuštena je žalba u pisanoj formi, koja se podnosi Ugovornom organu u roku od 10 (deset) dana od dana prijema Odluke, a u skladu sa članom. 99. i 101. tačka 5.) ZJN.

**GLAVNA KANTONALNA TUŽITELJICA**

**Dostavljeno:**

- Ponuđači 3x,
- Komisija,
- U spis
- a/a.

**Dalida Burzić**